

Colegio Pastoor Kraanwinkel a tene un bunita parada cultural

Diabierna mainta, den conexcion cu Dia di Himno y Bandera, Colegio Pastoor Kraanwinkel a organisa un bunita parada cultural den e cayanan di Paradera. Prome Minister Evelyn Wever-Croes tabata presente pa asina admira y disfruta di e bunitesa y creatividad cu e docente y alumnonan a desplega e mainta aki.

Prome Minister tabata sumamente impresionado pa mira cu tur klas a participa na e evento y na unda cada un a bin cu un diferente tema, manera naturalesa, flora, fauna, monumento etc. E muchanan tabata hopi entusiasma y tabata baila y gosa hopi den e parada.

E mandatario a expresa cu e tipo di actividadnan asina ta netamente loke nos como



Sr. John Freddy Montoya nombra como “Poeta di Patria”



E celebracion di Dia di Himno y Bandera a inicia diaranson anochi cu e bunita evento “Poeta di Patria,” den cual 16 participante a declama nan poema dedica na nos dushi Pais Aruba.

Comision Celebracion Dianan Nacional (CCDN), Departamento di Cultura Aruba (DCA) hunto cu Comision Arte di Palabra y Fundacion Corector di Papiamento, tabata encarga cu e competencia pa nombra e

di 12 “Poeta di Patria” di nos Pais, cual evento ta un iniciativa di Sr. Atan Lee den feliz memoria.

Minister Maduro tabata presente pa asina por a felicita Sr. John Freddy Montoya kende a keda nombra como Aruba su “Poeta di Patria” cu su bunita poema titula “Activa.” E mandatario di cultura ta felicita tur participante specialmente e finalistanan, Aurelia Croes, Gila Croes y Dominico Werleman.

adulto mester brinda nos muchanan, pa asina di trempa e muchanan cuminsa siña stima nos cultura. Manera Minister di Cultura Xiomara Maduro semper a bisa “Cultura bo tin cu bib’e”, y organisando actividadnan cultural pa e muchanan na un edad jong, na unda nan ta gosa, pasa pret, y wak atras riba un bunita experiencia, ta loke ta siña nan biba nos cul-

tura, y na grandi nan lo sigui balor’e y bib’e. Prome Minister ta felicita Colegio Pastoor Kraanwinkel cu e bunita iniciativa aki.

Tambe ta felicita e cabesante, mayornan, y tur docente cu a traha hunto cu e muchanan pa haci e parada aki uno exitoso.

Aruba Bank a celebra Dia di Himno y Bandera *Un experiencia unico pa comunidad y cliente*



Den cuadro di su celebracion di 100 aña y Dia di Himno y Bandera, Aruba Bank a celebra cu su clientenan y comunidad un experiencia dibertido y interactivo na tur su sucursalan cu un “Photo Booth” special.

Durante e evento, un “Photo Booth” a wordo instala na tur sucursal di Aruba Bank, caminda tur bishitante por a saca un portret feliz cu famia, amigo, of colega den un ambiente tipico di Dia di Himno y Bandera y a ricibi e portret imprimi como recuerdo.

Participantenan cu a comparti nan portret via social media y uza e hashtag di e actividad special aki cual ta #Aruba #NosTaCentennial #LetsCreateMemories a participa pa gana un premio special di Aruba Bank, un “Aruba Experience Tour” pa 4 persona.



Aruba Bank ta desea nos comunidad un **Feliz Dia di Himno y Bandera.**